

KOROBOKI AIKA TABU TAIN TE KARAKI

Iroun Norman Hill
(E boboto i aon te karaki ae koaua)

E riki te karaki aei i Ghana.

Ai tain te wareware," Mr. E taku Otoo.
E kaeta nuukana n tekateka raoi Nyameye.
E kaunga tain te wareware!

Ni katoa bong n te reirei, e wareka te boki
n kabaibaiti aia tia reirei nakoia kain te kiraati.
N tabetai e wareka taekia maan. N tabetai
e wareka rongorongoia aomata n aba tabeua.
Ao n tabetai e titirakinia kaain te kiraati ngkana iai
aia boki ae a tangiria bwa e na wareka nakoia.

"Iai ae iai ana boki ae a tangiria bwa N na
wareka n te bong aei?" Mr. E titiraki Otoo.

E katea baina Nyameye. "Iai ngai." E anaa
ana baeki ao e kaotinakoa ana boki ae tatangiria.
Bon te boki ni karaki man Ana Boki Moomon! E uotia
bwa e na wareka i mwiin te reirei ngkana e tataningaa
rokon tinana n anaia. Noorakin tamnei e buokia n ota
ni karaki man korobki aika a tabu.

*"Iai ae iai ana
boki ae a tangiria
bwa N na wareka
n te bong aei?"
Mr. E titiraki Otoo.*

Mr. E moangare Otoo ngke e noora te boki ae
bubura. "E aki tau ara tai ae ti na kona ni warekia
iai ni kabane. Iai te mwakoro ae ko tangiria bwa
N na warekia?"

"Eng," e taku Nyameye. E raira baana ni karokoa
e kunea te karaki are e tatangiria. Ko kona ni wareka
aei, taiaoka? E aranki bwa 'Miin Riaai.'"

"Tera rongorongan te karaki aei?" Mr. E titiraki
Otoo.

"Bon karakinan te burabeti are e karekea te mii.
E noora te aroka ae tikiraoi ma uaana ae kangkang."
E kotea tamnein te aroka Nyameye. "E tangiriia ana
utu bwa a na kana te uanikai ma ngaia. Ko kona ni
warekia?" E angan ana tia reirei te boki Nyameye.

"O eng," Mr. E taku Otoo. E a waaki ngkanne
ni wareka ni kabaibati. E wareka rongorongan
te kawai ae irariki are e tiki nakon te aroka.
E wareka rongorongan te kai te biti. Ao e wareka
taekan kawakinan tuua.

E katea baina raoraon Nyameye ae Selorm.
"Tera te aekaki n aroka anne?" e titirakina Nyameye.

"I aki ataia," e taku Nyameye. "Ma e rang tamaroa
te uanikai. E bae n rang tamaroa riki nakon uaan

te mwangkoo!" I mwiina e tei n iango Nyameye.
"N te taromauri, I reiakenna bwa te uanikai e tei
ibukin ana tangira te Atua. E oota ngkanne ngkai
e bon rang kangkang ao e onoti!"

Ngke e bwara te kiraati, e tekateka i tinaniku n
tataningaa tinana Nyameye. E kaotinakoa ana boki
ni karaki n Ana Boki Moomon ni wareki riki tabeua.

"Anne te karaki ae rang tikiraoi," e taku Selorm.
E tekateka i rarikin Nyameye. "I kona ni wareka
teuana riki ma ngkoe?"

"Eng!" E raira te boki nakon te karaki teuana
Nyameye. A wareka rongorongan Abinataai
ao te Uea ae Noa.

A mwaiti riki raoia n reirei aika roko n ongora.
Ngkana iai aia titiraki, e kaekaia Nyameye. E bon
titirakinia naba ni kamwaningaia n te karaki are
a warekia!

I mwiina e noora tinana Nyameye n nakonako
ni kainetiaia. "Kam rabwa n ami wareware ma ngai,"
e taku nakoia ataei ake tabeman. E kaina ana boki
ao e wiingare. E kukurei bwa a tangira te karaki aika
mamaten nanona raoraona n ai arona naba ngaia
ae tatangiria. ●



Tera te karaki n te boki ae tabu ae mamaten nanom?